

任彦升文集



09446

任昉傳

任昉字彥升樂安博昌人漢御妻大夫敬之後也父

遙齊中散大夫遙妻裴氏嘗書寢室

懸鈴自天而墜其一鈴落入裴懷

娠生昉身長七尺五寸幼而好學早知名宋丹陽尹

劉秉辟為主簿時昉年十六以氣許秉子久之為奉

朝請兗州秀才拜太常博士遷征北行參軍永明初

衛將軍王儉領丹陽尹復引為主簿儉雅欽重昉以

為當時無輩遷司徒刑獄參軍事人為尚書殿中郎

任彥升傳

轉司徒竟陵王記室參軍以父憂去職性至孝居喪

盡禮服闋續遭母憂常廬于墓側哭泣之地草為不

生服除拜太子步兵校尉管東宮書記初齊明帝既

廢鬱林王始為侍中中書監驃騎大將軍開府儀同

三司揚州刺史錄尚書事封宣城郡公加兵五千使

昉具表草

帝惡其辭斥甚愠昉由是終建武中

位不過列校昉雅善屬文尤長載筆才思無窮當世

公王表奏莫不請焉昉起草即成不加點竄沈約一

代詞宗深所推挹明帝崩遷中書侍郎永元末為司

徒右長史高祖克京邑霸府初開以昉爲驃騎記室
參軍始高祖與昉過竟陵王西邸從容謂昉曰我登
三府當以卿爲記室昉亦戲高祖曰我若登三事當
以卿爲騎兵謂高祖善騎也至是故引昉符昔言焉
昉奉牋云

云

梁臺建禪讓文誥多昉所具高祖踐阼

拜黃門侍郎遷吏部郎中尋以本官掌著作天監二
年出爲義興太守在任清潔見妾食麥而已友人彭
城到溉溉弟洽從昉共爲山澤遊及被代登舟止有
米五斛既至無衣鎮軍將軍沈約遣裙衫迎之重除

任彥升傳

二

吏部郎中參掌大選居職不稱尋轉御史中丞秘書
監領前軍將軍自齊永元以來祕閣四部篇章紛雜
昉手本讎校由是篇目定焉六年春出爲寧朔將軍
新安太守在郡不事邊幅率然曳杖徒行邑郭民通
辭訟者就路決焉爲政清省吏民便之視事暮歲卒
於官舍時年四十九闔境痛惜百姓共立祠堂於城
南高祖聞問卽日舉哀哭之甚慟追贈太常卿謚曰
敬子昉好交結獎進士友得其延譽者率多升擢故
衣冠貴遊莫不爭與交好坐上賓客恒有數十時人

慕之號曰任君言如漢之三君也陳郡殷芸與建安
太守到溉書曰哲人云亡儀表長謝元龜何寄指南
誰托其爲士友所推如此昉不治生產至乃居無室
宅世或譏其多乞貸亦隨復散之親故昉常歎曰知
我亦以叔則不知我亦以叔則昉墳籍無所不見家
雖貧聚書至萬餘卷率多異本昉卒後高祖使學士
賀縱共沈約勘其書目官所無者就昉家取之昉所
著文章數十萬言盛行於世初昉立於士大夫間多
所及引有善已者則厚其聲名及卒諸子皆幼人罕

任彥升傳

三

瞻卹之平原劉孝標爲著論曰客問主人曰朱公叔
絕交論爲是乎爲非乎主人曰客奚此之問客曰夫
草虫鳴則阜螽躍雕獸嘯而清風起故網緼相感霧
涌雲蒸嚶鳴相召星流電激是以王陽登則貢公喜
罕生逝而國子悲且心同琴瑟言鬱郁於蘭茝道叶
膠漆志婉孌於墳簞聖賢以此鏤金版而鐫盤盂書
玉牒而刻鍾鼎若匠人輟成風之妙巧伯牙息流波
之雅引范張款款於下泉尹班陶陶於求夕駱驛縱
橫烟霏雨散皆巧歷所不知心計莫能測而朱益州

汨彘叙越謨訓捶直切絕交遊比黔首以鷹鷂人
倫於豺虎蒙有猜焉請辨其惑主人忻然曰客所謂
撫絃徵音未達燥濕變響張羅沮澤不覩鵠鴈高飛
蓋聖人握金鏡闡風烈龍驤夔屈從道汗隆日月聯
璧歎臺臺之弘致雲飛雷薄顯棟華之微旨若五音
之變化濟九成之妙曲此朱生得玄珠於赤水謨神
睿而爲言至夫組織仁義琢磨道德驪其愉樂恤其
陵夷寄通靈臺之下遺跡江湖之上風雨急而不輟
其音霜雪零而不渝其色斯賢達之素交歷萬古而

任彦升傳

四

一遇逮叔世民訛狙詐颺起谿谷不能踰其險鬼神
無以究其變兢毛羽之輕趨錐刀之末於是素交盡
利交興天下蚩蚩鳥驚雷駭然利交同源派流則異
較言其略有五術焉若其寵釣董石權壓梁竇雕刻
百工鑪錘萬物吐激興雲雨呼吸下霜露九域從其
風塵四海叠其燠灼靡不望影星奔藉響川驚鷄人
始唱鶴蓋成陰高門旦開流水接軫皆願摩頂至踵
臆膽抽腸約同要離焚妻子誓徇荆卿湛七族是曰
勢交其流一也富埒陶白貲巨程羅山擅銅陵家藏

金穴出乎原而聯騎居里閨而鳴鐘則有窮巷之賓
繩樞之士箕宵燭之末光邀潤屋之微澤魚貫鳧踊
颯沓鱗萃分鴈鷺之稻梁沾玉笋之餘瀝銜恩遇進
款誠援青松以示心指白水而旌信是曰賄交其流
二也陸大夫燕喜西都郭有道人倫東國公卿貴其
籍甚搢紳羨其登仙加以顛願蹙額涕唾流沫聘黃
馬之劇談縱碧鷄之雄辨叙溫煥則寒谷成暄論嚴
枯則春叢零葉飛沉出其顧指榮辱定其一言於是
弱冠王孫綺紈公子道不結於通人聲未逾於雲閣

任彦升傳

五

攀其鱗翼丐其餘論附騏驎之尾端軼歸鴻于碣石
是曰談交其流三也陽舒陰慘生民大情憂合懼離
品物恒性故魚以泉涸而噍沫鳥因將死而悲鳴同
病相憐綴河上之悲曲恐懼宜懷昭谷風之盛典斯
則斷金由於湫隘刎頸起於苦蓋是以伍員濯漑於
宰嚭張王輔翼於陳相是曰窮交其流四也馳騫之
俗泮薄之倫無不操權衡秉織纒衡所以揣其輕重
續所以屬其鼻息若衡不能舉續不能飛雖顏冉龍
翰鳳雛曾史蘭薰雪白舒向金玉泉海卿雲黼黻江

漢祿若遊塵遇同土梗莫敢費其半菽罕有落其一
毛若衡重鎚銖續微影撒雖共工之蒐廋驪堯之掩
義南荆之跋扈東陵之巨猾皆爲匍匐委蛇折枝舐
痔金膏翠羽將其意脂韋便辟導其誠故輪蓋所遊
必非夷惠之室苞苴所入實行張霍之家謀而後動
芒屨寡忒是曰量交其流五也凡斯五交義同賈鬻
故桓譚譬之於闌閭林回喻之於甘醴夫寒暑遞進
盛衰相襲或前榮而後瘁或始富而終貧或初存而
末亡或古約而今泰循環翻覆迅彼波瀾此則徇利
任彥升傳

之情未嘗異變化之道不得一由是觀之張陳所以
凶終蕭朱所以隙末斷焉可知矣而翟公方規規然
勒門以箴客何所見之晚乎然因此五交是生三疊
敗德殄義禽獸相若一疊也難固易攜讎訟所聚二
疊也名陷藝餐負介所羞三疊也古人知三疊之爲
梗懼五交之速尤故王丹威子以櫛楚朱穆昌言而
示紹有旨哉近世有樂安任昉海內髦傑早縮銀黃
夙招民譽道文麗藻方駕曹王英特雋邁聯橫許郭
類田文之愛客同鄭莊之好賢見一善則盱衡扼腕

遇一才則揚眉抵掌雌黃出其脣吻朱紫由其月旦於是冠蓋幅湊衣裳雲合輜駟擊鞞坐容恒蒲踏其閭闔若升闕里之堂入其巽隅謂登龍門之坂至於顧盼增其倍價翦拂使其長鳴影組雲臺者摩肩趨走丹墀者疊跡莫不締恩狎結綢繆想惠莊之清塵庶羊左之徽烈及嗔目東越歸體雖浦總帳猶懸門罕漬酒之彥墻未宿草野絕動輪之賓藐爾諸孤朝不謀夕流離大海之南寄命瘡癘之地自昔把臂之英金蘭之友曾無羊舌下泣之仁寧慕郇成分宅之

在彥升傳

一

德嗚呼世路嶮巇一至於此太行孟門寧云蘄絕是以耿介之士疾其若斯裂裳裹足棄之長鶩獨立高山之頂懼與麋鹿同羣嗷嗷然絕其零濁誠耻之也誠畏之也昉撰雜傳二百四十七卷地記二百五十二卷文章三十三卷昉第四子東里頗有父風官至尚書外兵郎

欽定四庫全書

歐陽文忠公全集卷之四十五

任彥升集目錄

卷一

答陸倕知己賦

靜思堂秋竹應詔

賦體

爲王嫡子侍皇太子釋奠宴

贈王僧孺

答劉居士

九日侍宴樂遊苑

任彥升集八目錄

奉和登景陽山

泛長溪

落日泛舟東溪

濟浙江

贈郭桐廬出谿口見候余旣未至郭仍進村維

舟久之郭生方至

答何徵君

贈徐徵君

答劉孝綽

答到建安餉杖

寄到漚

別蕭諮議

厲吏人講學

苦熱

同謝朓花雪

出郡傅舍吳范僕射三首

嚴陵瀨

詠池邊桃

任彦升集八月錄

卷二

武帝追封永陽王詔

追封丞相長沙王詔

追封衡陽王桂陽王詔

封臨川安興建安等三王詔

初封諸功臣詔

求薦士詔

齊宣德皇后臨朝答梁王令

宣德皇后令

重敦勸梁王令

為齊竟陵王世子臨會稽郡教

天監三年策秀才文三首

卷三

為齊明帝讓宣城郡公第一表

為范尚書讓吏部封侯第一表

為蕭揚州作薦士表

為褚諮議秦讓代兄襲封表一

為褚諮議秦讓代兄襲封表二

任彦升集目錄

三

為范始興作求立太宰表

為皇太子求一日一朝表

吏部郎表

為王思遠讓侍中表

為梁公請刊改律令表

為蕭侍中拜襲封表

卷四

為王金紫謝齊武帝求皇太子律序啓

蕭大傅固辭奪禮啓

求為劉瓛立館序

奉答勅示七夕詩啓

為中彬謝修中忠貞墓啓

奏彈曹景宗

奏彈劉整

奏彈范縝

奏彈蕭穎達

請祀郊廟備六代樂奏

卷五

任孝升集一八目錄

到大司馬記室牋

為百辟勸進梁王牋

百辟勸進今上牋

為庾杲之與劉居士斛書

與沈約書

吊樂永世書

為昭明太子答何胤書

同沈約與江革書

王文憲集序

卷六

齊明帝謚議

序

梁博昌任

昉著

王貴嬪哀策文

明河東呂兆禧校

丞相長沙宣武王碑

桓宣城碑

知已賦

劉先生夫人墓誌銘

信然乃貪廉之異昔易法

撫軍桂陽王墓誌銘

七七可得於為御

齊竟陵文宣王行狀

齊司空曲江行狀

任彥升集

八目錄

五

臨城王夫人墓誌銘

野書

齊宣武王

丞相長沙宣武王

野書

至貴嚴宋業文

何胤書

齊即帝蓋籍碑書

卷六 文憲集序

任彥升集卷第一

博昌任昉著

河東呂兆禧校

原知已之時義故相知之信然乃貪廉之異貫勇怯

之相懸貪在物而成怯在我而可甄既自得於為御
又甘心於執鞭矧相知其如此獨攬涕而潺湲雖有
望於已知更非謂其知己信偉人之篤世本侯服於

任彥升集 卷一

乙

陸鄉緬風流於道素襲衮衣與繡裳逮伊人而世載
竝三駿而龍光過龍津而一息望鳳條而載翔彼白
王之雖潔此幽蘭之信芳思在物之取譬非升斛而
能量匹方峙於東嶽比凝厲於秋霜不一飯以忘過
每三錢以投渭匪蒙袂之敢嗟豈溝壑之能衣既蘊
藉其有餘又淡然而無味得意同乎卷懷違方似乎
仗氣類平叔而靡雕似子臺而不朴冠衆善而胎操
綜羣言而名學折高戴於后臺異鄒顏乎董幄探三
詩於河間訪九師於淮曲術無口傳之書藝廣鏗鏘

之樂時坐睡而懸梁裁楮梧而錐帷唯忘年之墜子
定一遇於班荆余獲田蘇之價爾得海上之名信落
魄而無產終長勤於短生餓虛表於徐步逃責顯於
疾行比我於叔則又方余於耀卿心照情交流言靡
惑萬類聞求千里懸渴言象可廢筌蹄自默若非連
棟行待舟車冬夜不長夏日靡餘肴核非餽絲竹豈
娛我未捨駕子已迴輿中飲相顧悵然動色邦壤雖
殊離會難測存異山陽之居沒非要離之側以膠投
漆中離婁豈能識

任彦升集卷一

靜思堂秋竹應詔

按楊慎律祖採中八
句爲詩今不復載

靜思堂連洞房臨曲沼夾修篁竹宮豐麗于甘泉之
石竹殿弘敞于神嘉之傍綠條發丹檻翠葉映雕梁
入房掃文石傍簷拂象床常生偶蘭桂結實值鴛皇
逢性與之至道偶斯文之在茲歡栢梁之有賦恨相
如之異時

賦體

倣征侶兮艤行舟奉君命兮不俟駕屬軒軌之易循
值堯民之可化慙孺雉之聲朝惡細魚之在夜奉王

檢之陸離待金壘之二云舍

詩

爲王嫡子侍皇太子釋奠宴

以下四言

在昔歸運阻亂弘多夷山製宇盪海爲家風雲改族
日月增華欽聖茲遠懷道茲冲踐言動俗果行移風
進往一簣啟或三蒙氷實因水金亦在鎔惟神知化
在物立言樂正雅頌咸被後昆告奠明祀觀道聖門
日月不息師表常尊

贈王僧孺

任彦升集

卷一

三

惟子見知惟余知子觀行視言要終猶始敬之重之
如蘭如芷形影隨曩行今止百行之首立人斯著
子之有之誰毀誰譽修名旣立老至何遽誰其執鞭
吾爲子御劉略班藝虞志荀錄伊昔有懷交相欣勗
下帷無倦升高有屬嘉爾晨燈惜余夜燭

答劉居士

君子之道亦有其四高行絕俗盛德出類才同文錦
學非書肆望之可階卽之難至輟精天理躔象少微
人與俗異道與人違庭飛耀焯室滿伊威行無轍跡

理絕心機

九日侍宴樂遊苑

以下五言

帝德峻韶夏王功書頌平共貫
汾五勝獨道邁三英
我皇撫歸運時乘信告成一唱
華鍾石再撫被絲笙
黃草歸雒木梯山薦王榮時來
濁河變瑞起溫洛清
物色動宸眷民豫

一作務

降皇情

奉和登景陽山

物色感神遊升高悵有閱南望
銅駝街北走長楸埒

別澗宛滄溟疏山駕瀛碣奔鯨
吐華浪司南動輕柅

任彦升集

卷一

四

日下重門照雲開九華激觀閣
隆舊恩奉圖愧前哲

泛長溪

狗祿聚歸糧依隱謝羈勒絕物
井離羣長懷思去國

長溪末東舍震區窮水域道遇
垂綸叟聊訪問津惑

弭楫申九言無爲累牽纏長泛
滄浪水平明至曛黑

落日泛舟東溪

黝黝桑柘繁芄芴麻麥盛交柯
溪易陰反景澄餘映

吾生雖有待樂天庶知命不學
梁甫吟唯識滄浪詠

田荒我有役秩滿余謝病

濟浙江

昧且乘輕風江湖忽來往或與歸波送乍逐翻流上
近岸無暇目遠峯更興想綠樹懸宿根丹崖頽久壤
贈郭桐廬出谿口見候余既未至郭仍進村
維舟久之郭生方至

朝發富春渚蓄意恐相思深令行春返冠蓋溢川坻
望久方來萃悲懽不自持滄江路窮此湍險方自茲
疊嶂易成響重以夜猿悲客心幸自弭中道遇心期
親好自斯絕孤遊從此辭

任彦升集

卷一

五

荅何徵君

散誕羈鞅

一作勒

外拘束名教裏得性千乘同山林無

一作亦

朝市勿以耕蠶貴空笑易農事宿昔仰高山超

然絕塵軌傾壺已等樂命管亦齊喜

一作壺已等樂命管亦齊符璽

無為嘆獨遊若終

一作路

方同止

贈徐徵君

促生悲永路早交傷晚別自我隔容微於焉徂歲月
情非山河阻意似江湖月東臯有儒素杳與榮名絕
曾是違賞心曷用箴余缺眇焉追平生塵書廢不閱

信此伊能已懷抱豈暫輟何以表相思貞松擅嚴節

答劉孝綽

閩水旣成瀾藏舟遂移壑彼美洛陽子投我懷秋作
久敬類誠言吹噓似嘲諢兼稱夏雲盡復陳秋樹索

詎慰羞嗟人徒深老夫託

一作徒然
老夫謂

直史兼褒貶轄

司專疾惡九折多美疹匪報庶良藥子其崇峰頴春
耕勵秋穫

答到建安餉杖

故人有所贈稱以冒霜筠定是湘妃淚潛灑遂隣彬

任彦升集

卷一

六

扶危復防咽事歸薄暮人勞君尚齒意矜此杖鄉辰
復資後坐

一作生

彥候余方欠伸獻君千里笑紆我百

憂嘖坐遠雖有器卧遊苦無津何由乘此竹直見乎
生親

寄到溉

鐵錢兩當一百易代名實爲惠當及時無待涼秋日

別蕭諮議

離燭有窮輝別念無終緒岐言未及申離日已先舉
揆景巫衡阿臨風長楸浦浮雲難嗣音徘徊悵誰與

儻有關外驛聊訪狎鷗渚

厲史人講學

暮燭迫西楡將落誠南畝曰余本疎惰類暮積楡柳
踐境渴師臣臨政欽益友盱食願橫經終朝思擁帚
雖欣辦蘭艾何用闢蒿莠

苦熱

旭旦烟雲卷烈日景入東軒傾光望轉蕙斜日照西垣
既卷焦梧葉復傾葵藿根重籠無冷氣挾石似懷溫
霹靂類珠綴喘嚇狀雷奔

任彦升集

卷一

七

同謝朓花雪

土膏候年動積雪表晨暮散葩似浮王飛英若總素
東序皆白珩西雖盡翔鷺山經陋窳一作窳榮駭人貶

瓊樹

出郡傳舍哭范僕射三首

平生禮數絕式瞻在國楨一朝萬化盡猶我故人情
待時屬興運王佐俟民英結懼三十載生死一交情
攜手道衰孽接景事休明運阻衡言革時泰王階平
濬冲得茂彥夫子值狂生伊人有涇渭非余揚濁情

將乖不思別欲以遣離情不忍一辰意千齡萬恨生
已矣平生事詠歌盈篋筍蕪復相嘲謔常與虛舟值
何時見范侯還叙平生意

與子別幾辰經塗不盈旬弗覩朱顏改徒想平生人
寧知安歌日非君撤瑟晨已矣余何歎輟春哀國均

嚴陵瀨

羣峰此峻極參差百重嶂清淺既漣漪激石復奔壯
神物徒有造終然莫能狀

詠池邊桃

在步十云

六一

已謝西王苑復揖綬山枝聊逢賞者愛棲趾傍蓮池
開紅春灼灼結實夏離離

與子俱遊氣絲空不盈百果歸來感茲春感平生入
何却其東對影餘平生意

已矣平生事藉滯盛菊尚蕪蕪休聊語常與虛舟值
誰乘不思別欲以遣離情不忍一辰意千齡萬恨生

任彥升集卷第二

梁博昌任昉著

明河東呂朂禧校

詔

武帝追封永陽王詔

亡兄德履冲粹識業深通徽聲善譽風流籍甚道長
世短清塵緬邈感惟既往永慕勵心可追封永陽郡
王

追封丞相長沙王詔

任彥升集

卷二

乙

夫褒崇明器率由舊章光昭德祀永世作則亡兄道
被如仁功深微管懸諸日月久而彌新故能拯龜王
於已毀導涸源於將塞今理運惟新賢戚竝建感惟
求遠觸日崩心可追封長沙郡王

追封衡陽王桂陽王詔

亡弟暢風標秀物器體淹弘朱方之役盡勤王事策
出無方物性不賞亡弟融業行清簡風度閑綽蚤優
名葦夙廣令聞朕應天紹命君臨萬寓祚啓郇滕感
輿魯衛事往運來永懷傷切暢可追封衡陽郡王融

可南陽郡王

封臨川安興建安等三王詔

神州帝城冠冕列岳渚宮樊鄧形勝是歸居中作衛
翼宣戎重隆茲寵號寔允舊章竝非親勿居惟賢斯
授宏朕之介弟早富德輿量一番政緝是嘉庸國禮
家情瞻寄隆重季風穎雋邁誠業標簡任居蕃翰政
以化成偉體韻淹穆神寓凝正經綸夷險叅贊王業
初封諸功臣詔

草昧權輿事深締構康俗成務義在庇民自非群才
任彥升集

卷二

二

竝軌文武宜翼將何以啟茲景祚弘此帝圖或運籌
帷帳經啓王業或攻城略野殉義忘生或股心爪牙
折衝禦侮忠勤茂德夷險一致竝宜建國開宇蕃屏
王室山河之誓永永無窮

求薦士詔

夫進賢茂賞蔽善明罰前王盛則咸必由之朕纂統
鴻業寅畏大寶思求俊異協贊維熙歷聽九功物色
輿皂而白駒盈荅萇楚未刈是以臨朝求歎日昃伊
佇便可博詢卿士各舉所知將量才授能擢以不次

庶同則哲之明稱朕急賢之旨

令

齊宣德皇后臨朝荅梁王令

承固茲謙揖未膺大典敬復雅旨良有懍然夫至寂
難原言象所絕教思有律感通斯在所以異人者神
明同人者用舍王誕茲上睿對越天行德冠二儀化
周群動生民以來一人而已但達節弘道每濡跡於
中庸神照惟幾不抑心於鑽仰范宣旣讓其下取則
况聖圖睿軌歌思是歸廉約雖弘慶賞遂替誠賢者
任彦升集一卷二

三

悅義長難進之風不肖者矜功沮竭力之效勸沮之
閒所差已遠王何得不暫紆雅尚尤荅天人使朕夜
艾以安早朝有預今遣率茲百辟申薦誠欵萬致一
塗煩言可畧

宣德皇后令

宣德皇后敬問具位夫功在不賞故庸勲之典蓋闕
施侔造物則謝德之徒已寡要不得不強爲之名使
荃宰有寄公實天生德齊聖廣淵不改參辰而九星
仰止不易日月而二儀貞觀在昔晦明隱鱗戢翼博

通奎籍而讓齒乎一卷之師劍氣陵雲而厲亦於
夫之下辯折天口而似不能言文擅雕龍而成輒削
豪爰在弱寇首應弓旌客遊梁朝則聲華籍甚爲名
宰府則延譽自高隆昌季年勤王始著建武惟新締
構斯在功隆賞薄嘉庸莫疇一馬之田介山之志愈
厲六百之秩大樹之號斯存乃擁旄司部代馬不敢
南牧摧轂樊鄧胡塵罕嘗夕起惟彼狡童窮凶極虐
衣冠泯絕禮樂崩喪旣而鞠旅誓衆言謀王室白羽
一麾黃鳥抵定甲旣鱗下車亦瓦裂致天之界拱揖

任彥升集六卷二

五

羣后豐功厚利無得而稱是以祥光總至休氣四塞
五老游河飛星入昴而地狹乎四履勢卑乎九伯帝
有惡焉輶軒萃止今遺某位某甲等率茲百辟人致
其誠庶匪席之旨不遠而復

重敦勸梁王令

朕聞匹夫好仁義在磨踵君子行道達斯兼濟未有
盡器窮神蘊徽章乎天植高奠中樽覩傾壘而弗極
惟王德冠往初功無與二四時等契兩曜齊明擬度
天行取賦乾健而運詎艱季道極百王援義而起一

戎大定羅山葦草罔不率從用使商君庭產蒸潤開
樹梓傾宮既散鹿臺靡蓄盛德大業巍上若此日者
事岐之號爰發帝言殊物備禮率由寡昧雖復雲罕
載路清蹕啓行昭德報功未臻其極而高揖天休遠
存克讓俾予未亡與慙日曷今遣率茲百辟人致誠
請庶有感眷心霈然降志

教

為齊竟陵王世子臨會稽郡教

富室兼并前史共蠹大姓侵威往哲攸疾而權豪之

任彦升集一卷二

五

族擅割林池勢富之家專利山海至乃水彌峻巖巖
我君后崇墉增仞內通神明出行大順火炎崑崙神
嶽崩潰蘭艾同燼玉石俱碎哲人遭命哀有餘慨

策問

天監三年策秀才文三首

問秀才朕長驅樊鄧直指商郊因藉時來乘此歷運
當哀求念猶懷慙德何者百王之敝齊季斯甚衣冠
禮樂掃地無餘斲雕剗方經綸草昧採三王之禮冠
屨鹿分因六代之樂宮判始辨而百度草創倉廩未

實者終取不稅則國用靡資百姓不足則惻隱深慮
每時入芻藁歲課田租愀然疚懷如憐赤子今欲使
朕無滿堂之念民有家給之饒漸登九年之蓄稍去
關市之賦予大夫當此三道利用賓王斯理何從佇
聞良說

問朕本自諸生弱齡有志閉戶自精開卷獨得九流
七畧頗常觀覽六藝百家庶非牆面雖一日萬機早
朝宴罷聽覽之暇三餘靡失上之化下草偃風從惟
此虛寡弗能動俗昔紫衣賤服猶化齊風長纓鄙好
任彥升集一八卷二
六

且變鄒俗雖德慙往賢業優前事且夫縉紳道行祿
利然也朕傾心駿骨非懼真龍輜駟青紫如拾地芥
而惰游廢業十室而九鳴鳥菽聞子矜不作弘獎之
路斯旣然矣猶其寂寞應有良規

問朕立諫鼓設謗木於茲三年矣比雖輻輳闕下多
非又安日伏青蒲罕能切直將齊季多諱風流遂往
將謂朕空然慕古虛受弗弘然自君臨萬寓介在民
上何嘗以一言失旨轉徙朔方睚眦有違論輸左校
而使直臣杜口忠讜路絕將恐弘長之道別有未周

悉意以陳極言無隱

明 劉東昌 承禧 校

金華明帝漢書城郡八第一表

中書監驃騎大將軍開

任彥升集卷第二

任彥升集

卷

七



其寂寞無有良規

三年矣比雖幅輿關下多

直將濟李多諱風流遂

自君臨萬寓介仁

建論書

道列

無訓

任彥升集卷第三

梁 博昌任 昉著
明 河東呂兆禧校

表

為齊明帝讓宣城郡公第一表

臣鸞言被臺召以臣為侍中中書監驃騎大將軍開
府儀同三司揚州刺史錄尚書事封宣城郡開國公
食邑三千戶加兵五千人臣本庸才知力淺短太祖
高皇帝篤猶子之愛降家人之慈世祖武皇帝情等

任彥升集

卷三

乙

布衣寄深同氣武皇大漸實奉話言雖自見之明庸
近所蔽愚天一至偏識量已實之恣自固於綴衣之
辰拒違於王几之側遂荷顧託導揚末命雖嗣君棄
常獲罪宣德王室不造職臣之由何者親則東牟任
惟博陸徒懷子孟社稷之對何救昌邑諍臣之譏四
海之議於何逃責且陵未乾訓哲在耳家國之事一
至於斯非臣之尤誰任其咎將何以肅拜高寢虔奉
武園悼心失圖泣血待旦寧容復邀徽榮於家耻宴
安於國危驃騎上將之元勳神州儀刑之列岳尚書

古稱司會中書實管王言且虛飾寵章委成與侮臣
知不愜物誰謂宜但命輕鴻毛責重山岳存沒同歸
毀譽一貫辭一官不減身累增一職已黷朝經便當
自同體固不爲飾讓至於功均一匡賞同千室光宅
近旬奄有盒那隕越爲期不敢聞命亦願曲留降鑒
卽垂順許鉅平之懇誠彌固永昌之丹慊獲申乃知
君臣之道綽有餘裕苟曰易昭敢守難奪故可度心
弘議酌已親物者矣不勝荷懼屏營之誠謹附某官
某甲奉表以聞

任彥升集

卷三

二

爲范尚書讓吏部封侯第一表

臣雲言被尚書召以臣爲散騎常侍吏部尚書封霄
城縣開國侯食邑千戶奉命震驚心顏無措臣雲頓
首頓首死罪死罪臣素門凡流輪翮無取進謝中庸
退慚狂狷固常鑽厲求學而一經不治篆刻爲文而
三冬靡就負書燕魏空禪菽粟躡屩齊楚徒知貧賤
旣而分虎出守以囊被見嗤持斧作牧以蕙苴興謗
赭衣爲虜見獄吏之尊除名爲民知井臼之逸百年
上壽旣曰徒然如其誠說亦以過半亂離斯瘼欲以

安歸閉門荒苑再離寒暑兼以東臯數畝控帶朝夕
關外一區悵望鐘阜雖室無趙女而門多好事祿微
賜金而歡同媿老折芟燔枯此焉自足陛下應期萬
世接統千祀三千景附八百不謀臣疊等離心功慚
同德泥首在顏輿棺未毀締構草昧敢叨天功獄誦
謳歌示同民志而隆器大名一朝總集顧已及躬何
以臻此政當以接閭白水列宅舊豐忘捨講之尤存
諸公之費俯拾青紫豈待明經臣雲頓首頓首死罪
死罪夫銓衡之重關諸隆替遠惟則哲在帝猶難漢

任彥升集

卷三

三

魏以降達識繼軌雅俗所歸唯稱許郭拔十得五尚
曰比肩其餘得失未聞偶察童幼天機暫發顧無足
算在魏則毛玠公方居晉則山濤識量以臣况之一
何遼落春季陵遲官方淆亂鴻都不綱西園成市金
童有盈晉之談華貂深不足之歎草創惟始義存改
作恭已南面責成斯在豈宜妄加寵私以乏王事附
蟬之餘空成寵童求之公私授受交失近世侯者功
緒參差或足食關中或成軍河內或制勝帷幄或門
人加親或與時抑揚或隱若敵國或策定禁中或功

成野戰或盛德如卓茂或師道如相榮或回姓侍祠
已無足紀五侯外戚且非舊童而臣之所附唯在恩
澤既義異疇履實榮乖儒者雖小人貪幸豈獨無心
臣本自諸生家承素業門無富貴易農而仕乃祖玄
平道風秀世爰在中興儀刑多士位裁元凱任止攸
伯高祖少連夙乘高尚所富者義所乏者時薄宮東
朝謝病下邑先志不忘愚臣是庶且去歲冬初國學
之老博士耳今茲首夏將亞冢司雖千秋之一月九
遷苟與之十旬遠至方之微臣未爲速達臣雖無識
任彥升集一卷三

四

唯利是視至於虧名損實爲國爲身知其不可不敢
妄冒陛下不棄管蒯愛同絲麻儻平生之言猶在聽
覽宿心素志無復貳辭矜臣所乞特廻寵命則褻章
載穆微物知免臣今在假不容請省不任荷懼之至
謹奉表以聞

爲蕭揚州作薦士表

臣聞求賢暫勞垂拱求逸方之疏壤取類導川伏惟
陛下道隱旒纒信充璽六飛同塵五讓高世白駒
空谷振鷺在庭猶懼隱鱗卜築藏器屠保物色關下

委泉河上非取製於一狐諒求味於羔采而五聲俛
響九工是詢寢議廟堂借聽與卑臣位任隆重義無
家邦實欲使名實不違微倖路絕世間上品猶當格
以清談英俊下僚不可限以位貌竊見秘書丞琅邪
王暕年二十一字思晦七葉重光海內冠冕神清氣
茂允迪中和叔寶理遣之談彥輔名教之樂故以暉
映先達領袖後進居無塵雜家有賜書辭賦清新屬
言玄遠室邇人曠物疎道親養素丘園台階虛位庠
序公朝萬夫傾望豈徒荀令可想李公不忘而已哉

任彥升集 卷三

五

前晉安郡侯官令王僧孺年三十五字僧孺理尚棲
約思致恬敏旣筆耕爲養亦傭書成學至乃集螢映
雪編蒲緝柳先言往行人物雅俗甘泉遺儀南宮故
事畫地成圖抵掌可述豈直魁鼠有必對之辯竹書
無落簡之繆暕坐鎮雅俗弘益品彙僧儒訪對不休
質疑斯在並東序之秘寶瑚璉參籙器誠言以人廢
而才實世資臨表悚戰猶懼未餘世下情

爲褚諮議秦讓代元襲每與

一日被司徒符印稱詔二日許稱爲秦讓請以臣紹

封南康郡公臣世屬啓聖運偶時來尚德瞻膺先錫
土宇臣貴載世承家况居長德而量已夙退內事國
疏以臣行達幽明早 荼苦貴天倫冥至友愛淳深
非直引壻推温故能逃迹讓位鞠躬提養以及人
事死讓生尚均脫徒取信十室本若錙銖乃遠謬推
恩近霑庸薄釀以國讓弘義有歸匹夫難奪守以弗
二昔武始迫家臣之策陵陽感鮑子之言張以誠請
下爲理屈且太宗絕緒命臣出續傍統稟奉在昔理
絕終天永懷情事觸感崩裂伏惟陛下俯權孤門哀
榮之重爰奪臣一至之輕察其丹款特賜停絕至公
允穆微臣尅幸

爲褚諮議秦讓代况襲封表二

近冒披歎庶蒙哀亮奉被還詔未垂矜允伏讀周遑
罔寘心誠臣本凡劣身名不限標一善不足以驗風
流存小讓不足以弘進止若乃富埒千駟貴有邦家
二者之來不期而至中人猶其赳赳凡近固宜勉最
直以門緒有歸長德無二若使貴高延陵之風忘子
減之節是廢德舉豈曰能賢陛下留心孤門特深追

遠故臣窮必呼天憑威咫尺實嬰疾沉固公私廢禮
逢不世之恩遂良已之志確然難奪有理存焉臣既
承先旨出續傍統受命有資反身何奉叙心感悼免
義迫窮誠賁息霽年將志學禮及趨拜且私門世適
二三攸序若天眷無已必降殊私乞臣霽奉膺珪社
伏願陛下聖慈曲垂矜慎如蒙哀允施重倉育

為范始興作求立太宰碑表

臣雲言原夫存樹風猷沒著徽烈既故老之口必資
不刊之書而藏諸名山則陵谷遷貿府之延閣則青

任彦升集

卷三

七

編落簡然則配天之迹存于泗水之上素王之道紀
于沂川之側由是崇師之義擬迹于西河尊主之情
致之於堯禹故精廬宴啓必窮鐫勒之盛君長一城
亦盡刊刻之美况乎甄陶周召孕育伊顏故太宰竟
陵文宣王臣其與存與亡則義形社稷嚴天配地則
周公其人體國端朝出藩入守進思必告之道退無
苟利之專五教以倫百揆時序若夫一言一行盛德
之風琴書藝業述作之茂道非蕪濟事止樂善亦無
得而稱焉人之云亡忽移歲序鷓鴣東徙松檟成行

六府臣僚三藩士女人蓄油素家懷鉛筆瞻彼景山
徒然望慕昔晉氏初禁立碑魏舒之亡亦從班列而
阮略既泯故首昌嚴科爲之者免刑戮置之者及蒙
嘉歎至于道被如仁功叅微管本宜在常均之外故
太宰淵丞相疑親賢並軌卽爲成規乞依二公前例
賜許刊立寧容使長想九原樵蘇罔識其禁駐驂長
陵輜軒不知所識臣里閭孤賤才無可甄值齊網之
弘施賓客之禁策各委質忽焉二紀慮先犬馬厚恩
不答而敝帷毀蓋未尋螻蟻珠襦王臣遽節幽泉陛

任彦升集

卷三

八

爲皇太子求一日一入朝表

臣聞內豎告安姬昌怡色鳴鷄戒旦周發冠履或以
涼燠之後晨昏宜膳羞之和昇旣殊節一辰三朝稱
情猶簡終日承顏在理斯愜且長壽之對撫循無已
馳道未窮顧懷不輟豈直下動天至固亦上結慈衷
自頃半旬乃朝遂爲通制事踰信次義乖晨省一已

萬機不敢三塵御省安且改宿特乞一至寢門

吏部郎表

郎官之重千金非譬譽在前世實光選造清通爲首
終遂弗居深識爲度累薦無獲承乏攝官顧知其望
方今皇明御宇昇長咸亨涇渭縉紳無謬衡石抑揚
庶品亦候能官顧已循涯孰用祗荷唯知死所未知
所報

爲王思遠讓侍中表

行則六尺之內陪接天光語則親璽甲命誠信區宇

任彥升集 卷三

九

獻可替否出納惟幾敷表白于聲華之上進讓于王
堂之下金遷七貴之茂王粲二公之孫雖復仲尉孤
緒元卿未名不階民譽安承典私者也

爲梁公請刊改律令表

臣聞淳源既遠天討是因畫衣象服以致刑晉草纓
艾鞞民不能犯及淳德下衰運詎澆季湯刑禹政不
足禁姦九法三章無以息訟所以赭衣塞路囹圜成
市凝脂已踈秋荼未苦姦吏爲市生殺並用可爲慟
哭豈徒一緒夫肖貌天地稟靈川岳受體愛敬髮膚

為重流矢影風顧有憂色而當妄加剝削金玉為伍
且夫刻木不對畫地不入畏避若是而動貽非命王
道為虧良在于此法開二門為政之蠹生殺多緒誰
其適政

為蕭侍中拜襲封表求皇太子律序啓

詔書拜臣襲封竟陵郡王臣以凡庸素乏才植皇朝
尚德詔爵惟賢遂復出修職貢人頌卿士但有道之
守海外重局蕃籬近甸無勞擊折仰閱舊章俯增私
感報國承家豈云萬一

任彦升集 卷三

十

尚書曰... 臣聞... 其... 且夫... 為重...

任彥升集卷第四

梁 博昌任 昉著

明 河東呂兆禧校

啓

爲王金紫謝齊武帝求皇太子律序啓

臣聞化澄上業草纓垂典教清中世艾服懲刑自禮
失宗周俗反炎漢張馮導其迹賈杜浚其流仲舒之
得情孔子之博約故以義該往哲盡美前王而年世
浸遠篇牘訛誤朽編落簡見誣前淑侮文擅議取弊
任彥升集 卷四 乙

後昆立不倚衡遂均鴻毛之隕傷足居憂忘貽髮膚
之痛豈所以臨河永歎合育最靈者也伏惟陛下施
溥天地澤深禹湯溫舒之策優游虛授衛展之議寧
失弗經削秋荼之法解凝脂之綱

上蕭太傅固辭奪禮啓

昉啓近啓歸訴庶諒窮款奉被還旨未垂哀察悼心
失圖泣血待旦昉於品庶示均銛造干祿祈榮更所
自拔虧教廢禮豈關視聽所不忍言言具陳茲啓昉
往從末宦祿不代耕饑寒無甘旨之資限役廢晨昏

之半膝下之歡已同過隙几筵之慕幾何可憑且奠
酌不親如在安寄晨暮寂寥聞若無主所守旣無別
理窮咽豈及多喻明公功格區宇感通有塗若濡然
降臨賜寢嚴命是知孝治所被爰至無心錫類所及
匪徒教義不任崩迫之情謹以啓事陳聞

求爲劉瓛立館啓

昔在魏中爰及晉始書貴虛玄人悅陶縱瑚璉廢泗
上之容樽俎恣林下之適春千秋羽委曠而弗陳西
序東膠寂寥而誰仰所以金雞忘曉王羊失馭神器

任彦升集一卷四

二

毀於獯戎寶曆遷於干越豈不悲於劉瓛澡身浴德
修行明經賤珪璧於光陰竟松筠於歲晚貧不阻獲
其心窮不二三其操而困無居止浮寓親遊垣棟傾
鑽室衢塾側有朋自遠無用棲憑皆負笈擔簦櫛風
沐露瓛之器學無謝前修輒欲與之周旋開館招屈
臣第西徧官有閑地北拒晉山南望通邑雖曰人境
實少浮喧廣輪裁盈數畝布以施立覺塾薄藝桑麻
粗創茨宇

奉答勅示七夕詩啓

臣昉啓奉勅旨賜示七夕五韻竊惟帝迹多緒俯司
不一託情風什希世希罕工雖漢在四世魏稱三祖
寧足以繼想南風克諧調露性與天道事絕稱言豈
其多幸親逢旦暮臣早奉龍潛與買馬而入室晚屬
天飛比嚴徐而待詔惟君知臣見于納言之旨取求
不疵表於辯才之戲謹輒牽率庸陋式酬天獎拙速
雖效蚩鄙已彰臨啓慙慙罔識所冀謹啓

為卞彬謝修十忠貞墓啓

臣彬啓伏見詔書并鄭義泰宣勅當修理臣卞高祖
任彥升集一卷四

三

晉故驃騎大將軍建興忠貞公壺瑄塋臣門緒不昌
天道所昧忠構身危孝積家禍名教同悲隱淪惆悵
而年世貿遷孤裔淪塞遂使碑表蕪滅丘樹荒毀孤
鬼成穴童牧哀歌感慨自哀日月躔迫陛下弘宣教
義非求效於方今壺餘烈不泯固陳力于異世但加
等之渥近關於晉典樵蘇之刑遠流於皇代臣亦何
人敢謝斯幸不任悲荷之至謹奉啓以聞謹啓

彈事

奏彈曹景宗

御史中丞臣任昉稽首言臣聞將軍死綏咫尺無却顧望避敵逗撓有刑至乃趙毋深識乞不爲坐魏主著令抵罪已輕是知敗軍之將身死家戮爰自古昔明罰在斯臣昉頓首頓首死罪死罪竊尋獯獫侵軼蹙擾彊陞王師薄伐所向風靡是以隄徐獻捷河兗凱歸東關無一戰之勞塗中罕千金之費而司部懸隔斜臨寇境故使狡虜憑陵奄移歲月故司州刺史蔡道恭率厲義勇奮不顧命全城守死自冬徂秋猶轉戰無窮亟摧醜虜方之居延則陵降而恭守比之

任彥升集

卷四

四

踈勒則耿存而蔡亡若使郢部救兵微接聲援則單于之首又懸托闕豈直受降可築涉安啓土而已哉實由郢州刺史臣景宗受命致討不時言邁故使蠲結蟻聚水草有依方復按甲盤桓緩救資敵遂令孤城窮守力屈凶威雖狀猶應固守三關更謀進取而退師延頸自貽虧衄疆場侵駭職是之由不有嚴刑誅賞安寘景宗卽主臣謹案使持節都督郢司二州諸軍事左將軍郢州刺史湘西縣開國侯臣景宗擢自行間遭茲多幸指縱非擬獲獸尙勤賞茂通侯榮

高列將首稽載馳鍾鼎遠列和戎莫效二八已陳自
頂至踵功歸造化潤草塗原豈獲自己且道恭云逝
城守累旬景宗之存一朝棄甲生曹死蔡優劣若是
惟此人斯有靦面目昔漢元命將坐知千里魏武置
法案以從事故能出必以律錙銖無爽伏惟聖武英
挺畧不世出料敵制變萬里無差奉而行之實弘廟
筭惟此庸固理絕言擬自逆胡縱逸又患諸夏聖朝
乃顧將一車書愆彼司氓致辱非所早朝永歎載懷
矜惻致茲虧喪何所逃罪宜正刑書肅明典憲臣謹
任彥升集一卷四

五

以効請以見事免景宗所居官下太當削爵土收付
廷尉法獄治罪其軍佐職僚徧裨將師徒諸應及咎
者別攝治書侍御史隨違續奏臣謹奉白簡以聞

奏彈劉整

御史中丞臣任昉稽首言臣聞馬援奉嫂不冠不入
汜毓字孤家無常子是以義士節夫聞之有立千載
美談斯為稱首臣昉頓首頓首死罪死罪謹案齊故
西陽內史劉寅妻范詣臺訴列稱出逆劉氏二十許
年劉氏喪亡撫養孤弱叔郎整恒欲傷害害侵奪分前

奴教子當伯並已入衆又以錢婢姊妹温仍留奴
自使又奪寘息遂婢綠草私貨得錢並不分遂寘弟
二庶息師利去歲十月徃整田上經十二日整使責
范米六斗哺食米未展送忽至戶前賜酒饗拳大罵
突進房中屏風上取車帷淮米去二月九日夜婢采
音偷車欄甲杖龍牽范問失物之意整便打息遂整
及母并奴婢等六人來范屋中高聲大罵婢采音舉
手查范督求攝檢如訴狀輒攝整父舊使奴海蛤到
臺辨問列稱整亡父興道先爲陵零郡得奴婢四人
任彦升集

六

分財以奴教子乞大息寘寅二後第二弟整仍奪教
子云應入衆整便留自使婢姊及弟各准錢五千元
不分遂其奴當伯先是衆奴兄弟未分財之前整兄
寅以當伯貼錢七千共衆作寅田罷西陽郡還雖未
別火食寅以私錢七千贖當伯仍使上廣州去後寅
喪亡整兄弟後分奴婢唯餘婢綠草入衆整復云寅
未分財贖當伯又應屬衆整意貪得當伯推綠草與
遂整規當伯還擬欲自取當伯遂經七年不返擬已
死亡不廻更奪取綠草貨得錢七千整兄弟及姊其

分此錢又不分遂寅妻范云當伯是亡夫私賄應屬
息遂當伯天監二年從廣州還至整復奪取云應元
衆准顧屈上廣州四年夫直今在整處使進責整婢
采音劉整兄寅第二息師利去年十二月十二日忽
往整墅停住十二日整就兄妻范求米六斗哺食范
未得還整怒仍自進范所住屏風上取車帷爲質范
送米六斗整則納受范今年二月九日夜云失車欄
子夾杖籠牽等范及息遂道是采音所偷整聞仍打
遂范喚問何意打我兒整母子爾時便同出中庭隔

任彦升集

卷四

七

箔與范相罵婢采音及奴教子楚王法忠等四人于
時在整子母左右整語采音其道汝偷車校具汝何
不進裏罵之既進爭口舉手誤查范臂車欄夾杖籠
牽實非采音所偷進責寅妻范奴苟奴列稱娘去二
月九日夜失車欄夾杖籠牽疑是整婢采音所偷苟
奴與郎遂往津陽門糴米遇見采音在津陽門賣車
欄籠牽苟奴登時欲捉取遂語苟奴已爾不須復取
苟奴隱僻少時同視人買籠牽售五千錢苟奴仍隨
遂歸宅不見度錢並如采音苟奴等列狀粗與范訴

相應重覈當伯教子列稱被整奪今在整處使悉與
海蛤列不異以事訴法令史潘僧尚議整若輒畧兄
子遂分前婢貨賣及教子等私使苦無官令輒收付
近獄測治諸所連逮絙應洗之源委之獄官悉以法
制從事如法所稱整卽主臣謹案新除中軍參軍臣
劉整問闔闔茸名教所絕直以前代外戚仕因紈袴
惡積彙稔親舊側目理絕通問而妄肆醜辭終夕不
寐而謬加大杖薛包分財取其老弱高鳳自穢爭訟
寡嫂未見孟嘗之深心唯效文通之偽迹昔人目親
衣無常主整之撫姪食有故人何其不能折契鍾庾
而稽帷交質人之無情一何至此實教義所不容紳
冕所共棄臣等叅議請以見事免整新除官輒勒外
收付廷尉法獄治罪諸所連逮應洗之源委之獄官
悉以法制從事婢采音不欵偷車欄龍牽請付獄測
實其宗長及地界職司初無糾舉及諸連逮請不足
申盡臣昉誠惶誠恐頓首頓首死罪以聞

奏彈范縝

臣聞息夫歷詆漢有正刑白褒一奏晉以明罰况

附下訛上毀譽自口者哉風聞尚書左丞臣范縝自
晉安還語人云我不詣餘人惟詣王亮不餉餘人惟
餉王亮輒收縝白從左右載出臺辭問與風聞符
同又今月十日御餞梁州刺史臣珍國宴私旣洽群
臣並已謁退時詔留侍中臣昂等十人訪以政道縝
不荅所問而橫議沸騰遂貶我司徒臣鵬舉庶人
王亮臣于時預奉恩留肩隨並立耳目所接差非風
聞竊尋丁未未親御軒陛義深推轂情均湛露酒
闌宴罷當展正立記事在前記言在後軫早朝之念

任彥升集

卷四

九

深求瘼之情而縝言不遜妄陳褒貶傷濟濟之風缺
側席之望不有嚴裁憲准冠頽縝卽主臣謹案尚書
左丞臣范縝衣冠緒餘言行外駁誇諧里落喧詬周
行曲學諛聞夫知去代弄口鳴舌祇足飾非乃者義
師近次縝丁罹艱棘曾不呼門是縝景附頗同先覺
實奉龍顏而人黨協疊餘翻爲矛楯人而無恒成茲
姦詖目者飲至東勲功微賞厚出守名邦入司管轄
苞龍固遺而假稱折轅衣裾所弊讒激失所許與疵
廢廷辱欽宗自居樞憲糾廢寂寞願望縱容無至公

之議惡直醜正有私許之談宜寘之徽纒肅正國典
臣等參議請以見事免縝所居官輒勒外收付廷尉
法獄治罪應諸連逮委之獄官以法制從事縝位應
黃紙臣輒奉白簡

奏彈蕭穎達

臣聞貧觀所

不為在於布衣窮居介然之行

尚可以

俗悖此薄夫况乎伐冰之家爭雞豚

之利

之士受賈人之服風聞征虜將軍臣蕭

穎達啓乞魚軍稅輒攝穎達宅督彭難當到臺辯問

任彥升集

卷四

列稱尋生魚典稅先本是鄧僧琰啓乞限今年五月

十四日主人蕭穎達于時謂非新立仍啓乞接代僧

琰卽蒙降許登稅與史法論一年收直五十萬知其

列狀則與風聞符同穎達卽主臣謹案征虜將軍太

子左衛率作唐縣開國侯臣穎達備位大臣大臣預

聞執憲私謁亟陳至公寂寞屠中之志異乎鮑肆之

求魚餐之資不俟潛有之數遂復申茲文二追彼十

一風體若茲準繩斯在陛下弘惜勲良每爲曲法臣

常官執憲敢不直繩臣等參議請以見事免穎達所

居官以候遠第五

奏

請祀郊廟備六代樂奏

東呂此舊校

據魏王肅議周禮賓客皆作備樂况天地宗廟事之大者周官以下六律六呂五聲八音六舞大合樂致鬼神以和邦國請依王肅祀祭郊廟備六代樂

任彦升集卷第四終

任彦升集卷第四

大音風官以下六律六呂五聲八音六舞大合樂

禮王肅議周禮賓客皆作備樂况天地宗廟事之

大者周官以下六律六呂五聲八音六舞大合樂致

鬼神以和邦國請依王肅祀祭郊廟備六代樂

奏請祀郊廟備六代樂奏

任彥升集卷第五

梁 博昌任昉著

明 河東呂兆禧校

牋

到大司馬記室牋

記室參軍任昉死罪伏承以今月令辰肅膺典冊德顯功高光副四海含生之倫庇身有地况昉受教君子將二十年咳唾爲恩矚睇成飾小人懷惠顧知死所昔承嘉宴屬有緒言提挈之旨形乎善護豈任彥升集入卷五 一

謂多幸斯言不渝雖情謬先覺而迹淪駿飢湯沐具而非弔大厦構而相賀明公道冠二儀勳超邃古將使伊周奉轡桓文扶轂神功無紀作物何稱府朝初建俊賢翹首維此魚目唐突璵璠顧已循涯實知塵忝千載一逢再造難答雖則隕越且知非報不勝荷戴屏營之至謹詣廳奉白牋謝聞昉死罪死罪

為百辟勸進梁王牋

伏承嘉命佇策明公逡巡盛禮斯實謙尊之旨未窮遠大之致何者嗣君棄常目絕宗社國命民生剪為

仇讐折棟崩榱壓焉自及卿士懷脯斲之痛黔首懼
比屋之誅明公亮格天之功拯水火之切再踵日月
重綴參辰反龜王於塗泥濟斯民於坑岸使夫匹婦
童兒羞言伊呂鄉校里塾耻談五霸位卑乎阿衡地
狹於曲阜明公宜祗奉天人允膺大禮無使後予之
歌同彼胥怨無濟之仁醜為獨善

百辟勸進今上牋

近以朝命蘊策昌奏丹誠奉被還命未蒙虛受縉紳
顛顛深所未達蓋聞受金於府通人之弘致高蹈海

任彥升集一卷五

二

隅匹夫之小節是以履乘石而周公不以為疑增王
璜而太公不以為讓况世哲繼軌先德在民經綸草
昧歎深微管加以朱方之役荆河是依班師振旅大
造王室雖累繭救宋重祗存楚以今觀古曾何足云
而惑甚盜鍾功疑不賞皇天后土不勝其酷是以王
馬駿奔表微子之去金版出地告龍逢之怨明公據
鞍輟哭厲三軍之志獨居滄涕激義士之心故能使
海若登祗罄圖效祉山戎孤竹束馬景從伐罪弔民
一匡靖亂匪叨天功實勤濡足且各公本自諸生取

樂名教道風素論坐鎮雅俗不習孫吳遺茲神武驅
盡誅之氓濟必封之俗龜玉不毀誰之功歟獨爲君
子將使伊周何地其等不達通變實有愚誠不任慳
款悉心重謁伏願時膺典冊式副民望

書

爲便杲之與劉居士封書

自別荆南迄將二紀杲之牽滯形有推遷物保文人
沒志外身超然獨善雖心路咫尺而事阻山河悠悠
白雲依然有道金涼佇運想怕納宜冲明在襟履候

任彥升集一入卷五

三

無爽體道爲用蹈理則和杲之牽綴疲朽愧心已多
訪德則山林窅然觀道則風雲自遠歲暮之期指塗
衡岳神虛氣懋無待怡和江湖相望安事行李司徒
竟陵王懋於神者言象所絕接乎士者遐邇所宗鍾
石非禮樂之本纓褐豈朝野之謂想闇投之懷不以
形體爲阻一日通藉梁邸親奉話言夢想清塵爲歲
已積以大人非羔鴈所榮故息蒲幣之典勝寄冥運
諒有風期之遲君王十居郊郭縈帶川阜顯不絢功
晦不標迹從容乎人野之間以窮二者之致且弘護

爲心廣乎自俗思聞繫表共剖衆心妙域筵山河虎
館帶川涘實望賁然少訓側遲昔東牟樂善旌君大
於東閭今王愛素致吾子於西山豈不盛歟百齡飄
驟凝滯自物千載一朝爲仁由已且零雪戒塗非滅
迹之郊鴻鍾在御豈銷聲之道已標異人之迹故同
物之勞夫山水無情應之以會愛閑在我觸目蕭條
衡岳何親鍾嶺何薄想弘思有在不俟繁言

與沈約書

范僕射遂不救疾范侯淳孝睦友在家必聞直道正

任彦升集入卷五

四

色立朝斯著一金之俸必偏親倫鍾庾之秩散之故
舊佐命興王心力俱盡謀猷忠允諒誠匪躬破產而
卒死友之孤開門而延故人之殯則惟其常無得而
稱矣器用車馬無改平生之憑素論款對不易布素
之交若斯人者豈云易遇昉將莅此邦務在遄速雖
解駕流連再貽款顧將乖之際不忍告別無益離悲
祇增今悵永念平生忽焉疇曩追尋笑緒皆成悲端

弔樂永世書

末世孝友之至發自天真皎潔之操曾非矯飾意有

所固白忍不移理有所託猶澠自辨餘息惟存視聽
無幾終始之託方寄祁俟豈謂樂生反先朝露以理
還滯鄙識未曉以事尋悲哀楚交至宿草易滋傷恨
不減松楸可拱悲緒無窮

為昭明太子答何胤書

得書知便遠追疎董超然高蹈雖朝旨殷勤而輕棹
已遠供踐莫申瞻言增慨善保嘉猷比致音息懷人
望古潛悵久之

同沈約與江革書

任彥升集六卷五

五

此雄府妙選英才文房之職惣卿昆弟可謂馭二龍
于長途騁騏驎于

序

王文憲集序

公諱儉字仲寶琅邪臨沂人也其先自秦至宋國史
家謀詳焉晉中興以來六世名德為海內冠冕古語
云仁人之利天道運行故呂虔歸其佩刀郭璞誓以
淮水若離翦之止殺吉駿之誠感蓋有助焉公之生
也誕受命世體三才之茂踐得一之幾信乃昴宿垂

芒德精降社有一於此蔚爲帝師况乃淵角殊祥山
庭異表望衢罕窺其術觀海莫際其瀾宏覽載藉博
遊才義若乃金版王匱之書海上名山之旨沈鬱澹
雅之思離堅合異之談莫不總制清衷遞爲心極斯
固通人之所包非虛明之絕境不可窮者其惟神用
者乎然檢鏡所歸人倫以表雲屋天構匠者何工自
函洛不守憲章中輟賀生達禮之宗蔡公儒林之雅
闕典未補大備茲日至乃齒危髮秀之老含經味道
之生莫不比面人宗自同資敬性託夷遠少屏塵雜

任彦千集一卷五

六

自非可以弘獎風流增益標勝未嘗留心也期歲而
孤叔父司空簡穆公早所器異年始志學家門禮訓
折衷於公孝友之惟豈伊橋梓夷雅之體無待章茲
汝郁之幼挺淳至黃瑗之早標聰察曾何足尚年六
歲襲封豫寧侯拜日家人以公尚幼弗之先告既襲
絰組對揚王命因便感咽若不自勝初宋明帝居藩
與公每武康公主素不協及卽位有詔毀發舊塋投
棄棺柩公以死固請誓不遵奉表啟峻切義感人神
太宗聞而悲之遂無以奪也初拜秘書郎遷太子舍

人以選尚公主拜附馬都尉元徽初遷秘書丞於是
采公曾之中經刊弘度之四部依劉歆七畧更撰七
志蓋嘗賦詩云稷契匡虞夏伊呂翼商周自是始有
應務之迹生民屬心矣時司徒袁粲有高世之度脫
落塵俗見公弱齡便望風推服歎曰衣冠禮樂盡在
是矣時粲位亞台司公年始弱冠年勢不侔公與之
抗禮因贈粲詩要以歲暮之期申以止足之戒粲答
詩云老夫亦何寄之子照青襟服闋拜司徒右長史
出爲義興太守風化之美奏課爲最還除給事黃門

任彦升集八卷五

七

侍郎旬日遷尚書吏部郎參選昔毛玠之清公李重
之識會無之者公也俄遷侍中以愍侯始終之職固
辭不拜補太尉右長史時聖武定業肇基王命寤寐
風雲實資人傑是以宸居膺列宿之表圖緯著王佐
之符俄遷左長史齊臺旣建以公爲尚書右僕射右
吏部時年二十八宋末艱虞百王澆季禮紊舊宗樂
傾恒軌自朝章國紀典彙備物奏議符策文辭表記
素意所不蓄前古所未行皆取定俄傾神無滯用太
祖受命以佐命之功封南昌縣開國公食邑二千戶

建元二年遷尚書左僕射領選如故自營部分司虛
欽義堂譽望所歸允集茲日尋表解選詔加侍中又
授太子詹事侍中僕射如故固辭侍中改授散騎常
侍餘如故太祖崩遺詔以公爲侍中尚書令鎮國將
軍永明元年進號衛將軍二年以本官領丹陽尹六
輔殊風五方異俗公不謀聲訓而楚夏移情故能使
解劔拜仇歸因息訟前郡尹溫太真劉真長或功銘
鼎藝或德標素尚臭味風雲千載無爽親加弔祭表
薦孤遺遠協神期用彰世紀時簡穆公薨以撫養之

任彥升集

卷五

八

恩特深恒慕表求解職有詔不許國學初興華夷慕
義經師人表允茲望實復官領國子祭酒三年解丹
陽尹領太子少傅餘悉如故推服捐駒前良取則卧
輒棄子後予宵怨皇太子夙挺天姿俯同人範師友
之義穆若金蘭又領本州大中正頃之解職四年以
本號開府儀同三司餘悉如故謙光愈遠大典未申
六年又申前命七年固辭選任帝所重違詔加中書
監猶參堂事長輿追尊車之恨公嘗以鳳池之失夫
奔兢之途有自來矣以難知之性協易失之情必使

無頌事深弘誘公提衡惟允一紀於茲拔奇取異與
徵繼絕望側階容賢侯景風而式典春秋三十有八
七年五月三日薨於建康官舍皇朝軫惜鉉傷情
有識銜悲行路 豈直春者不相工女寢機而已

哉故痛深衣冠悲纏教義豈非功深砥礪道邁舟航
沒世遺愛古之益友追贈太尉侍中中書監如故給
節加羽葆鼓吹增班劔六十人諡曰文憲禮也公在
物斯厚居身以約玩好絕於耳目布素表於造次室
無姬姜門多長者立言必雅未嘗顯其所長持論從

任彥升集

卷五

九

容未嘗言人所短弘長風流許與氣類雖單門後進
必加善誘勗以丹青之價弘以青真之期公銓品人
倫各盡其用居厚者不矜其多處薄者不怨其少窮
涯而反盈量知歸皇朝以治定制禮功成作樂思我
民譽緝熙帝圖雖張曹爭論於漢朝荀摯競爽於晉
世無以仰模淵旨取則後昆每荒服請罪遠夷慕義
宣威授旨實寄宏略理積則神無忤往事感則悅情
斯來無是已之心事隔于容諂罕愛憎之情理絕於
毀譽造理常若可干臨事每不可奪約已不以廉物

任彦升集卷第六

梁 博昌任 昉著

明 河東呂兆禧校

議

齊明帝謚議

以爲窮神之迹跡無繼於成名教思所宗言歸於有
稱是以則天爲大義盡於翼善武功受命理貫於斯
文伏惟功高五讓道冠三極愛敬始於揚名孝饗終
乎嚴配寥廓大度誕君人之符闈庭小節應軌物之
任彦升集 卷六

卷六

七

訓曆世允諧納揆時序貽厥之寄義均負圖棟棟惟
新歷焉將及於是承制宣德定策公卿登嗣后於西
鍾及獨夫於侯服既而主幼時艱仍離屯蹇應當璧
之祥注息肩之願立德以長紹開中興擬度天行取
則乾健日昃罷朝幽枉必達官曹寂寞園犴空虛虎
門肆義大足協律巖廊有禱紳之談鄉塾無橫議之
士既富而教弘此孝治遂使家蕩子野有栖而寘天
於掌握覽八荒於戶牖寵徵金穴之家恩絕椒風
之館天應民和祥符惣暨故能上變雲物下漏深泉

若乃青丘丹陵之國貴銀紫王之瑞幽符遠萃訥德
報功方將馳道日觀清宮鳴澤爲而不恃高揖成功
百川所以朝宗參辰於焉取正豈所謂中衢均奠懸
衡共軌者歟

哀文

王貴嬪哀策文

游衣戒節轎車命服永去椒華長辭嘉福筭滅遺組
筵委塵鞠將命啟期實惟嘉數珮空響其何節姆下
當其誰傳殯宮既毀祖饋斯撤爰命史臣宣美來襲

任彥升集

卷六

一一

神載既厚內德云助軒五有弘姬十斯豫誕咨邦淑
選自良家爰登六列象服委她青紉丹纒辰衣素紗
肅雍婦職僉曰俞佳替景望舒方娠明兩心前軌慶
軒中增朗與括不愆黜魄無爽式陪璽觀有事蠶宮
降輿訪道基我王風宣禮撤豆緝樂房中居貴能降
在盈思冲仁者必壽彼蒼者窮如何不淑萬化齊終
薦車告途殯多旣辨黼髮堆以陸離帷幌紛其舒卷
出桂宮而北行經未央以西轉池紉顧而徐前服馬
嘶而不踐霜霏微而初被野空籠而始彫促虞泉於

薤露撫悲翁於短齋母以子貴義弘前哲申襄齊節
以從疑革麻縲之輕殺達副君之天至賦白華之無
缺庶清廟之微微非壽原之未翳

碑

丞相長沙宣武王碑

王映藍田金鉉之望已集木秀鄧林輪轅之用先表
值戎寇貪婪憚羈縻失道憑陵雉堞逼迫濠湟都護
之威既弛副尉之策已謝斧松晨析易子朝餐乞師
援絕飛書路阻公內定不戰之奇外騁必勝之略裨
任彥升集 卷六 三
功倏忽有同拾遺南下牧馬既寢折膠之術北遯燕
然將空漠南之地加以廣平簡惠信賞必罰增資就
賦夷成章

桓宣城碑

君器量高濬神氣披朗商畧雅俗隱括真僞擢奇取
異不軌常流固以準的當時擬議郭許矣處身立朝
不峻功名俯仰顯默之際優游可否之間述卑而道
不汗身屈而志不屑矣銘曰於穆我后稟茲純爽虛
豁高暢蕭條邁上風任外舒卓鑒內朗神棲冲慎形

同俯仰將登槐棘宏振綱網令儀早徂德音永饗

墓誌

劉先生夫人墓誌銘

既稱萊婦亦曰鴻妻復有令德一與之齊實佐君子
簪蒿杖藜欣負載在箕之畦居室有行亟聞義讓
稟訓丹陽弘風丞相藉甚二門風流遠尚肇允不淑
闔德斯諒蕪沒鄭鄉寂寥楊冢參差孔樹毫未成拱
斬啓荒埏長扃幽隴夫貴妻尊匪爵而寵

撫軍桂陽王墓誌銘

任彦升集

卷六

四

於昭帝緒擅美前王綠圖月紀金簡玉筐世載台鼎
地居魯衛沛易且傳楚詩將詩說桐圭誰戲甘棠何
憇

行狀

齊竟陵文宣王行狀

公道亞生知照隣幾庶孝始人倫忠爲令德公實體
之非毀譽所至天才博瞻學綜該明至若曲臺之禮
九師之易樂分龍趙詩析齊韓陳農所未究河間所
未輯有一於此罔不兼綜者歟昔沛獻訪對於雲臺

東平齊聲於楊史淮南取貴於食時陳思見稱於七
步方斯茂如也初沈攸之跋扈上流稱亂陝服宋鎮
西晉熙王南中郎邵陵王並鎮益口世祖毗贊兩藩
而任總西伐公時從在軍鎮西府版寧朔將軍軍主
南中郎版補行參軍署渚曹于時景燭雲火風馳羽
檄謀出股肱任切書記遷左軍邵陵王主簿記室參
軍既允文林之求實兼儀形之寄刀筆不足宣功風
體所以弘益除邵陵王友又爲安南邵陵王長史東
夏形勝關河重複選衆而舉敦悅斯在除使持節都

任彥升集

卷六

五

督會稽東陽臨海永嘉新安五郡諸軍事輔國將軍
會稽太守太祖受命廣樹藩屏公以高昭武穆惟戚
惟賢封聞喜縣開國公食邑千戶又以奏課連最進
號冠軍將軍越人之巫覩正風而化俗篔簹之會感
義讓而失儉邪叟忘其西旻龍丘挾其東臯會武穆
皇后崩公星夜奔波泣血千里水漿不入於口者至
自禹穴逮衣裳外除心哀內疚禮屈於厭降事迫於
權奪而茹感饑膚沉痛創距故知鍾鼓非樂云之本
裛倉非隆殺之要改授征虜將軍丹陽尹良家入徒

戚里內屬政非一軌俗備五方公內樹寬明外旆簡
忠神臯載穆轂下以清武帝嗣位進封竟陵郡王食
邑如千戶復授使持節都督南徐兖二州諸軍事鎮
北將軍南徐州刺史遷使持節侍中都督南兖徐北
兖徐冀五州諸軍事征北將軍南兖州刺史兖徐接
壤素漸河潤未及下車仁聲先洽王關靖析北門寢
扃朝尚以董司岳牧敷興邦教方任雖重此此爲輕
徵護軍將軍兼司徒侍中如故又授車騎將軍兼司
徒侍中如故卽授司徒侍中又如故上穆三能下敷

任彦升集

卷六

六

五典闢玄闡以闡化寢鳴鍾以體國翼亮孝治緝熙
中教奪金耻訟蹊田自嘿不雕其朴用晦其明聲化
之有倫繁是賴庠序肇興儀形國胄師民之選允
歸人範以本官領國子祭酒固辭不拜八座初啓以
公補尚書令式是敷奏百揆時序夫國家之道互爲
公私君親之義遞爲隱犯公三極一致愛敬同歸亮
誠盡規謀猷弘遠矣又授使持節都督揚州諸軍事
揚州刺史本官悉如故舊惟淮海今則神牧編戶殷
阜氓俗滋繁不言之化若門到戶說矣頃之解尚書

今改授中書監餘悉如故獻納樞機絲綸允緝或皇
晏駕寄深負圖公仰惟國典勉遵遺託俯僻天倫踊
絕于地居處之節復如居武穆之憂聖主嗣興地居
且 有詔策授太傅領司徒餘悉如故坐而論道動
以觀德地尊禮絕親賢莫二又詔加公入廟不趨讚
拜不名劔履上殿肅傅之賢曹馬之親兼之者公也
復以申威重道增崇德統督南徐州諸軍事餘悉如
故並表疏累上身沒讓存天不憖遺梁岳頽峻某年
某月日薨春秋三十有五詔給溫明秘器斂以袞章

任彦升集

卷六

七

備九命之禮遣大鴻臚監護喪事朝夕奠祭太官供
給禮也故以勳極津門感克長樂豈徒春人不相傾
纏罷肆而已哉乃下詔曰褒崇庸德前王之令典追
遠尊戚公情之所隆故使持節都督揚州諸軍事中
書監太傅領司徒揚州刺史竟陵王新除進督南徐
州體睿履正神監淵邈道冠民宗具瞻惟允肇自弱
齡孝友光備爰及贊契協升景業燮和台曜五教克
宣敷奏朝端百揆惟穆等七先顧任均負圖諒以齊
微二南同 往哲方憑保佑永翼雍熙天不憖遺奄

見薨落哀慕抽割震動于厥心今先遠戒期諒謀讓
吉茂崇嘉制式弘風猷可追崇假黃鉞侍中都督中
外諸軍事太宰領太將軍揚州牧綠綬綬具九錫服
命之禮使持節中書監王如故給九旒鑾轡黃屋左
纛輜涼車前後部羽葆鼓吹纒歌二部虎賁班劍百
人葬禮一依晉安平獻王孚故事公道識虛遠表裏
融通淵然萬頃直上千仞僕妾不覩其喜愠近侍莫
見其傾弛他人之善若已有之民之不臧公實貽耻
誘接恂恂降以顏色方於事上好下規已而庶於殖

任彥升集

卷六

八

財施人不倦帝子儲季冬行禁止國綱天憲真諸掌
握未當鞠人於輕形錮人於重義人有不及內恕諸
已非意相干每爲理屈任天下之重體生民之俊華
衮與緼緒同歸山藻與蓬茨俱逸良田廣宅符仲長
之言印山洛水協應叟之志丘園東國鎔銖軒冕乃
依林構宇傍巖拓架清後與壺人爭且緹幙與素瀨
交輝置之虛室人野何辨高人何點躡躡于鍾問微
士劉蚪獻書于衡岳贈以古人之服弘以度外之禮
屈以好士之風申其趨王之意乃知大春屈已屈五

王君大降節于憲后致之有由也其卉木之奇泉石之美公所製山居四時序言之已祥文皇帝養德景朝同符作者爰造九言實該百行遵衿禱于未萌甲烟戒於茲日非直旦暮千載故乃萬世一時也命公註解衛將軍王儉綴而序之山宇初構超然獨往顧而言曰死者可歸與誰入室尚想前良俾若神對乃命畫工圖之軒牖旣而緬屬賢英傍思才淑匹婦之操亦有取焉有客游梁朝者從容而進曰未見好德愚竊惑焉卽命刊削投杖不暇公以爲出言自口驥

任彦升集

卷六

九

騷不追聽受一謬差以千里所造箴銘積成卷軸門階戶席寓物垂訓先是震于外寢匠者以爲不祥將加治葺公曰此天譴也無所改修以記吾過具令戒懼不怠從諫如順流虛已若不足至于言窮藥石若味滋肯信必由中貌無外悅貴而好禮怡寄典墳雖牽以物役孜孜無怠乃撰四部要略淨住子並勒成一家懸諸日月弘洙泗之風闡迦維之化大漸彌留語言盈耳黜殞之請至誠懇惻豈古人所謂立言于世沒而不朽者歟易名之典請遵前列謹狀

齊司空曲江行狀

公稟靈景宿擅氣中和一匱初登東嶽之功可監堦
堦在器瑚璉之姿先表豈惟荆南有勝童之日襄城
著孔甫之稱而已哉故以羽儀宗家冠蓋後進路叔
之一日千里北海之稱美共治方斯茂如也志學之
年偏治經紀登隆十載網羅百氏藻斲贍逸蔚爲詞
宗延賈誼而升堂携相如而入室加以翰牘精辯發
言有章持論從容辭無矜尚自河洛丘虛歷載二百
俾我逢掖遂淪左袵晉宋所以遺恨宗祖是用顧懷
任彦子集 卷六 十

公自荷方任志在尅復將欲使功遂之日身退有所
爰乃卜居金陵營帶林壑用辭聊城之賞以爲疏韓
之館人謝運往遂輟遠圖

魯身甫之繼而日居姑以所謝宗室蓋登臺勳殊
鼓空器睥睨之姿表豈非陸南有勝童之日襄城
公稟靈景宿擅氣中和一匱初登東嶽之功可監堦

跋任彥升集後

彥升發跡齊朝逮事梁祖勳庸翰藻
與右率竝馳一時流譽壯庭為邢魏
宗下雖優劣互有誠非要之脛頸不
齊修短各適文辭具在可與知者衡
之近樵李特哀沈文不及任集慕古
者闕焉爰蒐載集得詩若文七十有
奇篇次為六卷庶使後之品二君子
者有所質云

任彥升集

八法

乙

跋
萬曆庚寅季夏廿九日河東呂兆禧

